

INUIT ATAQATIGIIT

INATSISARTUNI



Nuuk 30. oktober 2015

Inatsisartut Suleriaasianni § 37 naapertorlugu Naalakkersuisunut apeqput imaattoq matumuuna saqqummiuppara:

Naalakkersuisunut apeqputit:

1)
Naalakkersuisut ivertinneqarnerminni Pisortat ingerlatsineranni suliassat suliarineqartarnerat pillugu inatsimmi tunngavigineqartunik nassuiaanneqarpat, ingammik suliame qaqugukkut peqataasinnaanginnermi tunngasut. [Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq (kingusinnerusukkut allannguutit ilanngullugit)]

2)
Naalakkersuisut isumaqataappat ima oqartoqartarneranut: Suliame peqataasinnaanginnermi malittarisassat qulakkiissavaat suliassami aalajangiinissap soqutigisanut tunnganngitsunit sunnerneqarnissaa. Sulianik attuumassuteqarpallaartoq aalajangeeqqusaanngilaq, aalajangiinernut ilaaqqusaanngilaq aammalu suliap suliarinerani ilaaqqusaanani. Apeqqutigineqartoq taamaallaat aap-imik imaluunniit naamik-mik akineqassaq.

3)
Naalakkersuisut ivertinneqarnerminni Inatsisartut inatsisaat nr. 6, 13. maj 1993-imeersoq inatsisartunut (Naalakkersuisunut) ilaasortat akisussaannerat pillugu inatsit sammitinneqarsimava?

4)
Naalakkersuisunut ilaasortaq akisussaatinneqarsinnaanngila suliame peqataasinnaanginnermi imaluunniit Naalakkersuisut ilaasortat akisussaannerat pillugu inatsimmi aalajangersakkanik ilisimasaqanngikkuni?

5)
Suut allannguutaappat avaleraasartoorniarnermi piumasaqaatit atorfilittanit politikikkut suliassanngorlugit tunniunneqartut kiisalu Naalakkersuisut piumasaqaatit atuuttussat akuerineqartuni.

6)
Ingerlatsinermik kukkunersiuilluni misissuinnermi allaqqavoq "Salliutitat tulliini (selskabit kalaallinit pigineqartut namminneq angallataateqanngitsut) sullissinnermi arlalinnik unamminartorsiortitsisimapput, tunniussinissamut najoqqutassat ilaatigut ersernerluttortaqarmata taamalu naammattumik atorsinnaassusilimmik, eqqorluartumik kinaassusersiunngitsumillu najoqqutassiinissaq amigarsimalluni. Taamaattumik naalakkersuisoqarfimmi sullissisut agguaassinissamut najoqqutassanik itisiliisimapput najoqqutassat taakkulu qanoq paasineqarsinnaannerat ilassutitut suliarisimallugit. Najoqqutassanut ilassutit qanorlu paasisariaqarnerinut nassuiaatit qinnuteqartunit siusinnerusukkut ilisimaneqarsimanngillat – taamaammallu qinnuteqartunik sullissinnermi tamakkiisumik erseqqissuliornissaq amigaataasimavoq."

Suliap suliariniarnerani ersarluttoqarsimanera Naalakkersuisut qanoq oqaaaseqarfigisinnaavaat? Taamatut isornartorsiuneq isumaqatigineqarpa?

7)

Namminersorlutik Oqartussanut Ingerlatsinermik kukkunersuilluni misissuinermit siunnersuutaasimasumik pigisaqarpat imaluunniit naammassisaq pillugu Namminersorlutik Oqartussanit, uani eqqarsaatigineqarput atorfilittat politikerinillu eqqartorneqarsimava.

(Inuit Ataqatigiit Inatsisartuni ilaasortaataat, Inuit Ataqatigiit)

Tunngavilersuut

KNT Aps pillugu suliaq saqqummermat nalorninarsimavoq qanoq Naalakkersuisuni ilaasortat ilisimasaqartiginersut Pisortat ingerlatsineranni suliaasat suliarineqartarnerat pillugu aammalu Naalakkersuisut akisussaassuseqarnerat pillugu inatsisit tunngasunik, taamaammat Naalakkersuisunut apeqquteqaateqarpugut. Naalakkersuisut sulipput tunngaviulluinnartunik inatsisinik suleriaatsinillu aallaaveqarlutik, taamaalilluni qularutissaanngisaannassalluni Naalakkersuisut sulinerminni inissisimanerat apeqquserneqarsinnaanani innuttaasunut, nunamut naalakkersuisutullu sullissinermini.

Inuit Ataqatigiit aalajangiisuulluinnartutut isigaat qanigisanik immikkut pinninnerit, pissaanermik atonerluinerit kammalaatersornerillu nungutinniarnissaasa suliarineqartuarnissaat, aamma inuussutissarsiutitta pingaernerpaap aalisarnerup iluani. Tassanerpjarlu nunatut takutittariaqarparput pinngortitami pisuussutigut kiisalu nunatta aningaasaatai ersarissunik tunngaveqarluni illersorneqarsinnaasumillu ingerlassinnaagigut.

Qulaani apeqqutit apeqqutigaagut Naalakkersuisut sulinerminni inatsisit suleriaatsillu tunngaviusut tamatta assigiimmik paasineri qulakkeerniarlugit

Apeqqutit ullut suliffiit qulit qaangiutsinnagit akeqquneqarput.